

Broj: 03-02-1219/2021
Sarajevo, 12.11.2021. godine

Bosna i Hercegovina
Federacija Bosne i Hercegovine
PARLAMENT FEDERACIJI
SARAJEVO

Prilijeno: 12-11-2021

Org. jed.	Broj	Priloga	Vrijednost
01.02	- 02 -	2013	/21

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući
- Dom naroda -
gosp. Tomislav Martinović, predsjedavajući

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 165. i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o izmjeni i dopuni Zakona o koncesijama Federacije Bosne i Hercegovine - skraćeni postupak, koji su predložili Vibor Handžić, delegat u Domu naroda i Sanela Klarić, poslanik u Predstavničkom domu Parlamenta Federacije BiH, a koje je Vlada Federacije Bosne i Hercegovine utvrdila na 290. sjednici, održanoj 11.11.2021. godine.**

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić

Prilog: kao u tekstu na bosanskom jeziku

**Cc: Federalno ministarstvo prostornog uređenja
gosp. Josip Martić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama čl. 165. i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjeni i dopuni Zakona o koncesijama Federacije Bosne i Hercegovine - skraćeni postupak, koji su predložili Vitor Handžić, delegat u Domu naroda i Sanela Klarić, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je, na 290. sjednici održanoj 11.11.2021. godine, utvrdila sljedeće

MIŠLJENJE

Razmotrivši podneseni Prijedlog Zakona o izmjeni i dopuni Zakona o koncesijama Federacije Bosne i Hercegovine, čiji su predlagači Vitor Handžić, delegat u Domu naroda i Sanela Klarić, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine cijeni da svaki prijedlog zakona koji ima za cilj poboljšanje i unapređenje zakonskih rješenja je kao takav osnovan.

Međutim, podneseni prijedlog potrebno je preispitati u smislu utvrđivanja jasnih, preciznih normi, usaglašenih sa Ustavom Federacije BiH te u praksi provodivih.

Ukazujemo na neophodnost mnogobrojnih ispravki u cilju utvrđivanja preciznijih normi te ispravki normativno-pravne prirode u tekstu Zakona kako slijedi:

- predloženi naziv zakona ne odgovara nazivu osnovnog Zakona obzirom da zakon nosi naziv "Zakon o koncesijama", a ne Zakon o koncesijama Federacije Bosne i Hercegovine,
- u članu 1. teksta prijedloga Zakona kod navođenja "Službenih novina Federacije BiH" nedostaje broj 61/06,
- također pojam malih hidroelektrana potrebno je preispitati, obzirom da je utvrđeno da je mala hidroelektrana hidroenergetski objekat instalisane snage do i uključivo 10MW, da se u nadležnost Federacije članom 2. prijedloga zakona daje izgradnja hidroenergetskih objekata snage preko 10MW a da se u obrazloženju zakonskog rješenja govori o intenciji da se sve hidroelektrane do 10MW prenesu u nadležnost Federacije BiH kako bi se izbjegla dugotrajna procedura izmjena kantonalnih propisa o koncesijama,
- istim članom propisuje se obustavljanje bilo kakvog odlučivanja o dodjeli koncesija do 10MW na području Federacije - što sve zajedno čini prijedlog konfuznim, međusobno neusaglašenim te neusaglašenim sa odredbama Ustava Federacije BiH u odnosu na ovlaštenja kantona da donose vlastite propise,

- time predlagač neskriveno potencira da se ovim zakonom reguliše materija za koju i kantoni imaju pravo donošenja propisa i odlučivanja - čime se postupa suprotno Ustavu Federacije BiH i načelu usaglašavanja pri donošenju propisa iz zajedničke nadležnosti, gdje prirodni resursi nesumnjivo spadaju,
- u istom članu 1. kojim se dopunjava član 4. osnovnog teksta Zakona nije se pravilno pozvalo na strukturu norme - obzirom da član 4. ima jedan stav i nema tačke,
- u članu 2. pogrešno je pozivanje na strukturu norme pa treba da stoji "u članu 6. stav (1). tačka 3. mijenja se i glasi:"
- zbog neravnopravnog tretmana koncesionara u odnosu na druge koncesionare, pogotovo u odnosu na visinu investicije neophodno je brisati član 4. prijedloga zakonskog rješenja.

V. broj: 1640 /2021
11.11.2021. godine
Sarajevo



PREMIJER

Fadil Novalić